



~ 16  
2823  
11







門  
號  
卷  
16  
2823  
11

東廓鄒先生文集卷之十一

五言古體

過大和有懷宜學兄

朝沂西昌口暮次五雲驛時雨借長風峻磯不得阨葱蒨叢  
林紫巖業遠山碧溪罍宿漲魚村刈初晴麥卽物多所欣廢  
用慰行役因念同袍友杜門安遠謫疇昔壯遊志霏談消永  
夕古劍掛扶桑竒字勒碣石何當携素手高泛滄洲席

萬安入灘懷古

亂岫卧羣駝高灘捷鳴鏞不知惶恐聲千載向誰滴憶昔文

昭和廿三年  
十一月十七日  
東廓

山翁天驥辱胡鞞九死南北征正氣干虹霓回首葛嶺上伶  
僇恣荒闢甫申竟何在五雲空的鑠輕舟行弔古幽憤若爲  
滌浩歌巡遠詞欲鐫蒼苔壁

竹巖

新安有佳人環珮何璫瑤獨乘玉麒麟馳上昆侖峯手移碧  
琅玕植之青芙蓉朱鳳下徘徊和鳴聲泚泚音難自秘被  
諸徵與宮撫時去已遠遺韻猶春容三嘆不可卽注目長江  
東

歲暮詠懷

惠風嘘融日桃李夾廣路凝霜下野草忽忽歲已暮寒暑互  
推移壯顏不可鑄睖睖懷美人踟躕局遠步仰視雪霰飛俯  
觀江河涸履運結心曲欲言無與晤下里多和者車馬相馳  
鶩誰起晉大師爲世陳瑩護

古松瘦石山房爲黃地曹汝英賦

茅亭闢小隱古松蟠翠蓋嘉賓結竒石臭味相倚賴靈風九  
天來午夜鳴虛籟兀然自領畧點頭意潛會美人萬古心平  
川瀉澄瀨時鼓大乙琴神凝塵業蛻夢公與醒酒儉語將無  
汰佳致欲忘言妙解在言外

望雲祝壽爲徐尹牧之賦

悠悠騁秋望四明遙在目白雲從何來翳我文溪屋我欲往  
乘之立鶴驂蒼鹿手稱南山觴泛以東籬菊玉軼不可馳傍  
徨當誰告在官與在側此樂將安屬援琴鼓清商心與雲相  
逐

贈憲副林廷元

旄旒何央央出祖瀘水蘼悠悠萬里道歲莫將安之

聖皇覲耿光除戎殿南陲丈夫志許國孰擇病與夷緹室回葭  
律陽德方亨滋行矣昭王猶持報新相知

約子持世望茂純內重虞卿同歸不至

臺臺衆君子共此明月期明月耿秋波君子杳何之寄聲東  
飛鳥遡河慎勿遲夜來月漸圓浩歌有所思

侍陽明先生游青原山次韻

道人愛邱壑仙標絕氛埃平原與文山大字猶昭回炯然忠  
義氣相照烟霞隈我行躡飛鳥雲關恍洞開深林卻炎威中  
有開元材板橋噴玉虹峽束湍聲哀掃石玩急流捫蘿瞰崇  
厓冠欹穿篁篠步滑緣松階散目憇層樓劫火失雕榭金剛  
有壞滅矧復嘆沉埋稍喜年初熟禾役擁田垓翻思在軍中

泉復正相猜祝融似幸禍淫毒枯陳亥今日胡不樂勝境款  
清杯冲情齊寵辱達觀忘形骸由來青蚪駕羊腸豈易摧逝  
將精瓊靡杖几終叅陪朝攬廬峯秀文泛海濤颺弩以東山  
墩不離歌舞哇懷哉醒心亭幸以文詞偕皇極平如砥車馬  
誰往來迷復亦已遠况乃歲月催步趨追逸響征軸敢遲徊  
同陳惟濬諸友遊通天巖小飲圓明洞  
探闕闕幽竇躋險履崇脊歡言衆君子共此山水癖傳杯忘  
爾汝浩歌激金石酣歸問山英何年見此客

復宿玉虛宮

待月升山椒月明山更好如泛大海中乘風立絕島勞生亦  
已愚行樂苦不早短榻藉秋雲月色何須掃

贈巴山王憲副

世路苦多岐萬里汨勞塵不知肺肝內自有天下春相彼負  
販者競僞棄其真卓矣珍故吾是非姑隨人

讀忠愍劉公年譜

吾邦富儒術自古多節槩古廉與兩谿綱常振一代肅容誦  
遺編浩氣凜如對五十二年間兢兢不敢諄諫草排虎豹家  
書吐肝肺事定俎豆馨天道自相賚皇皇孔孟書規矩勤詔

身居第... 卷之十一 四  
誨殺身尙不惜況復妻子輩云胡狂奔呼秉燧日蕪穢豈知  
喉舌飲翻令腸胃潰汚跡混蛭蠃方策有餘慙吁嗟百年身  
棄置不自愛公神游大虛何以藥其廢幽齋耿孤望分我飛  
霞佩

賦唐虞佐春暉堂

游子在江右親舍浙之東相望歲月深欲駕歸飛鴻歸鴻若  
不遠持斧代天工王事尙未暇將母情自忡親舍春長滿晴  
光映芳藜願普堂上春八荒及疲癯持此報吾君親意將無  
同

東陽菴與彭氏諸彦夜話

冒暑卧石室乘雨下東陽疎燈映清筵話此秋夜涼善積慶  
有餘反之來百殃如彼樹蘭蕙時至自芬芳勉旃圖培溉勿  
縱荆棘狂漏殘不成寐更畫君子觴他年久離別無忘祝聖  
堂

武功遊機心潭及龍窟

石函鑿玉峽奔流太古雪下有雷霆鳴飛鳥不敢越攀蘿徑  
從之路滑足屢蹶斬營坐盤石神魂自清潔機心從何來乃  
爲此潭涅朗咏侑行觴不知日已沒諸生步更健魚貫升巖



嶮巖尾猿猱跡直犯蛟龍窟瀑布九天來四壁如削鐵濺注  
雲氣腥陰風竦毛髮歸來手指畫霏霏如玉屑逝將洗塵慮  
共飽深巖蕨靈山久有聲勝事多未發短歌挾竒踪聊用埃  
來哲

望貞樓

陰雨尼游興夕霽試遠足風驅浮雲歸四合沒我腹旋撥芋  
栗火更就望貞宿大讀遠遊篇逸響振空谷風馭如相尋冷  
然動叢竹

步自圖平至集雲菴

興來拄方竹獨往不知止童冠相追隨更入碧雲裏峭壁插  
天末古木舞烟雨恠藤糾蛇龍爲問幾甲子疑是洛水前蒼  
苔掛樹尾俯視山腰白滄海渺無涘林影如鰲背出沒方壺  
嶼拍首命玄鶴羣真竟何許石枰几幾局秦項一逝水小橋  
轉清灣幽殿閒徙倚長生自有術誰復相料理君看隱霧豹  
肯作負塗豕勉哉諸同遊萬里審其始

贈渙井曾山人

我有山水癖十年猶未瘳俯石瞰危壑捫蘿躋層邱青原與  
玉巖是處足淹留秋來興更逸軒睡葛仙樓疊障盤肺腑懸

東坡先生文集 卷之十一 六  
瀑鏘琳球情不携  
渙井點檢雲外遊  
一訂仁智堂  
夙夜思藏修

濂溪讀書圖

光風裊香烟叢竹漏  
月色瞳目方策外  
冥然會太極  
芟稗日以秀殷勤  
指嘉稷稽首果確訓  
庶以食公德

題扇贈倫媿翁

少年耽世味悲喜通  
相擾老來悟天機  
迥立氛塵表  
月光搖波心  
風聲入樹杪  
抱膝杳無言  
獨數歸飛鳥

除夕有感示同志

巍巍先王道菽粟飫吾民  
支流日以遠播種漸失真  
鑽研故紙間  
回回役精神  
譬彼胥吏徒  
較勘大倉陳  
布籌入圭撮  
指掌羅萬困  
回首視素業  
居然赤窮身  
不有指南訣  
迷途誰知津  
朝夕營一飽  
荷鋤事菑新  
臧裂無所穫  
三見屠穰春  
常恐歲華速  
遂爾荒荆榛  
擊鼓告同社  
耦耕兢良辰

謁象山書院

平生義利辯  
廩廩森斧斤  
讀之竦毛髮  
再拜書諸紳  
千古舜蹠訣  
界限不容塵  
誰遣異同說  
支流遂失真  
壯哉東山筆  
圖繪得精神  
超然契本心  
百世俟聖人  
短棹謁遺廟  
一門儼冠

巾松竹交惠風石骨削磷峒登亭撫空曠華燭續良辰寥寥  
舞雩瑟幽韻若爲陳

嘉會樓生日謝諸友

朝暾掃宿雨光映千丈流羣峯呈面目春林枝相樛男兒志  
桑弧憮然感遠遊峩冠儼諸友正上嘉會樓再拜謝高義佳  
句鏗琳球幽探先王業遠抱天下憂顧念劬勞德夙夜正未  
酬年華復迅速峻瀨放輕舟凜凜七尺軀坐與虫魚儔永言  
期弗諼庶以寡悔尤

德勝壩別內重子懋一舒

明月漸東圓美人忽南去對坐德勝水悵望錢唐路昔來梅  
發萼今別柳飛絮感此草木變始知歲月度古人重意氣傾  
蓋自如故况我芝蘭友肝膽照布素顧慚空踈質坐闕經世  
具時賴千金藥起我百年痼仙舟慎出入春深多烟霧逝矣  
趨江河斷港滯遠步聚散雲中月盈虧自有數行當返初服  
共吸雷巖露

謁江都董子祠

聖人蘊元化道義從此出成功配覆載利澤浸蟪蛄學術一  
以蕪功利爭馳軼譬彼本根僵顧求枝幹萬桓桓三策翁正

一  
東坡先生文集  
卷之十一  
八  
派歸聖室兩言別涇渭千古垂星日束帶瞻新宮籩豆蕭芬  
苾平津與嫖姚相望竟何述世調正未諧莫笑齊門瑟願言  
依末光皓首軒轅律

登羊山寺望下邳有感

輕舟泝長淮掛席受天風千里渺平壤始見嶧陽峯躡屩升  
陽山層樓俯晴空孤桐竟寥落悵望䟽鑿功河流漸失道涇  
水衝孤壩哀哉菽麥畦半作鼃鼃宮瓣香祝蒼生擊壤歌年  
豐歸來赤松子並駕凌長虹

▲呂梁書院爲郭守衡賦

呂梁天下壯懸水三十仞石骨相撞春地底雷霆震晝夜注  
淮海化機無停仍川上發微言觀濶得正印湜湜玉泉子源  
頭自䟽濬結屋俯江臯橫經匡寒雋正派一以導百藪激芳  
潤去去中泚歌遺愛波來亂

松谿程侯創復古書院勉同志

兩水環三橋相傳絃誦地俯仰四百年誰爲興復計壯哉松  
谿侯不墜伊洛世高堂突榛莽古道尙可異  
復古寧在地明德儼無恙斯民還三代聖訓豈吾誑懷哉惜  
陰功當仁期不讓牛刀雖可哂猶堪頽波障

力田望積倉居肆必成藝爲士不致道此生空自棄學術苦  
易偏忘助交爲累屋漏有妙訣赫然臨上帝

兩視目不明兩聽耳不聰耳目非有異二用遂罔功嗟嗟一  
點丹乃受羣物籠夙夜躋文明母然終贖聾

天使封藩爲會昌孫侯杲賦

巍巍古神堯昭德親九族膏澤浸萬邦鳥獸熙春育

聖皇陟大統上紹唐虞錄渥恩頒通侯遠錫 宗藩福玉節照

金冊焜煌番水淥魚龍挾蘭權往來天風遞入對通明殿爲  
陳南國俗師族幾枯骨水旱紛枵腹願普放勲仁璿璣調玉

燭皇華有餘音五善昭芳燭

贈見素林先生四首

八疏辭司寇歸卧雲庄曲豈不戀 明主山林有定局百年  
尙友心紉道以爲服去去塵勿縉莞爾忘寵辱

千金學異技鸞刀切璞玉江蜀小試之剡剡奪人目老手登  
玉府胡然多反覆氣機不可詰善刀藏魚服

英英雲莊雲飛上蒼龍角濛雨未成霖三農尙高目所喜清  
明風颭然驅煩濁峯頭時卷舒千里勞延矚

悠悠萬里車振策驅原陸日暮歸里閭輸此珠千斛丁寧詔

僕夫正須脂其轂奇矣懿戒翁菁菁淇上竹

贈劉振廷謫廣德二首

羣龍方滿朝誰遣獨南征援琴鼓離思柱足多商聲男兒志  
百世一官何重輕去去三峯上小范有遺亭

徃夢符祠山輕舟隨歸馬黃牛立石馬依依故非幻氣機自  
有定官箴詎可慢試問歐夷陵何如高司諫

贈石齋楊先生三首

成功古難居完名天所靳惘惘辭上公纒然翔千仞青城舊  
釣遊雲關不須問回首謝 天子明堂執金鏡

班荆雜漁樵酒酣談徃事隻手扶九鼎未恤身憔悴至今風

霆夜指麾勞夢寐歸來赤松子再拜 君王賜

孤生澤中葵得托朝陽影常恐夕露零坐令春華冷繡裳邈  
難留台符尙未靜夜半起踟躕極目入參井

贈陸伯載廷平

角鴟白晝冥玄鶴夜半警物情自萬狀頽然翫昏醒秋風菰  
菜思再理季鷹艇古調寡予和高卧崑山頂焉知主父氏委  
身博五鼎

同丁敬夫陸伯載登安平鎮

平野罕登覽初上止澗亭秋高霜露肅渺然天宇明泰山蜿蜒  
東峙煙雲時縱橫宮牆動遐思褰裳欲宵征

同伯載發濟寧謁闕里

壯齒多蹉跎束裝始入魯自哂官道樛欲分杏壇雨羣山似  
喜客馬首交翔舞努力渡泥潦前途平如砥

謁孔林二首

衝雨宣聖林林深風颼颼徘徊築場處焄蒿若可求陟降昭  
上帝千秋尙來遊尙當挽天河再續洙水流

靈植携四方萬古尙蓬勃當年習禮地一樹猶見伐吾道自有

定中天懸日月不見桓司馬石槨空碑碣

雨歸

悵然別 宮闕欲去仍躊躇陰雨解留客霏霏襲我裾昨暮  
猶康莊今晨遂泥塗晴雨不可詰且復慎馳驅

沙河道中

秋水苦泛濫經月猶未蘓四顧菽稷疇渺渺瀦平湖沉竈育  
蝦蟇類垣翳菰蒲疇能叩天闈白日照康衢

夢王宜學談咲入客位有人言未可信對案仍大噓數  
語旣覺記其二句喜而紀之

人言未可信對案仍大處夢中見顏色英氣真廓落神明相  
正直俯仰無愧作晴雲滿玉華共斷雲根藥

阻風沛縣懷陳原習道長

南風何怒號淫水迷洲渚閉蓬欹孤枕飽聽寒更雨時從隙  
中望荒村立敗堵牛羊集墟塚木末懸網罟撫時自多感擁  
懷無與語開君陽羨茶試以琉璃水清風生習習仙舟渺何  
許身瘠思民肥高情常踽踽幾時對明光一拯顛厓苦

贈王天民

山城過從希懷人夢正永誰知北風涼共坐寒燈影妙語理

舊盟瞿然得新警陽光回九淵重陰漸可屏師席正未卑斯  
文有冠領先聖經行處荒村儼遺井勿憚千尺深清宵索長  
纒渴腸思一瓢郵置時當請

寄鮑復之

昔別佑聖閣重遇長安鋪聚散本無期狂飈吹輕絮珍重喚  
主翁惺惺當如故道路互險夷馳驅自有度

太平舟中二首

十載麋鹿姿獨抱青山病一官寄簿書偶爾荒三徑興言  
川遊油然怡真性鼓枻歸去來卧對琴書靜



東坡先生文集 卷之十一 十三  
湖光盪虛舟英英多爽氣羣山逶迤送飽看有餘味遙羨赤  
壁翁嘯歌睨天地夜寒白鶴過呼之或可至

用韻勉諸生二首

往聖留奇方六籍矻百病誰遣其痿痺憧憧趨迷徑珍重二  
三子咀嚼保天性擴之醫四海壽域同寧靜  
實學自屋漏養此剛大氣化機粲鳶魚俯仰有真味云胡棄  
至寶寵華競樂地聖途本平平驅車行可至

贈林儀部貞夫歸閩三首

世業存經濟四牡正駸駸胡然按長轡稅駕歸雲岑遙慕武

夷仙九曲留徽音夜深精爽來共語千載心

鼓琴崇巖陰俯瞰長川駛曲罷抱遺經超然究終始明德如  
皎月繼雲不可滓莫嗟會面難清輝長千里

故園未得歸裴回橫山側才踈負清朝飽食歌

帝德時時集青衿抗言忠孝則何當駕蒼虬共嘯閩天碧

同劉內重諸友登橫山四首

夙好在邱壑所歷忘渴饑每逢談音絕清夢行依依及茲分  
簿領幽賞事多違欣言二三子携手躡翠微

青陽禪朱光百昌各芳菲撫時念行樂日晏遂忘歸壺矢間

觴咏悠悠仰浴沂古瑟久寂寥莫笑知音希

雖微瑯琊秀顧瞻亦鮮匹才踈負山靈正乏醉翁筆仰觀天

造初 高皇按清蹕龍章有餘輝時復貫奎壁

臺殿荒荆管遺跡勤搜求掃石結新亭俯瞰卧龍湫湫龍奇

莫測水旱無涸流時哉慎潛見蒼生多隱憂

謁原采先生墓

薄寒初中人溥露飄零雨肅容拜墟墓含涕薦椒精周粟豈  
不佳所執亦獨苦百年會有盡授命貴得所至今采薇風颯  
颯被蘭杜後嗣竟何在奠掃自有主男兒志綱常寵利輕浮

羽悠悠忠孝心此道無今古

吳興公館

柔藤生竹根依倚叢竹上雨露交滋之支蔓爭豪放見藤不  
見竹竹勢日凋喪我來避炎威徙倚增惆悵呼童斬巨蔓叢  
竹漸踈暢物理胡反覆人情更萬狀濡筆寄觀風四牡勤咨

訪

宜興簡朱士光道長三首

陽羨佳山水按圖勞夢寐秋風有成約歲晏始得至擁爐酌  
醇酒細話索居事欹枕未及鼾嚴鍾已報曙

離羣動經年清談絕通夕登舟張別筵坐負登山屐世局難  
預定酷如手中奕耿耿歲寒心冰雪自真白

春至餘十日積雪尚崔嵬愧無黍谷律潛引陽光回知君有  
竒骨掌上生雲雷願言斂飛霜春和舒九垓

歲除

端居念節序兩見桐川春德業不增舊日月送以新高歌伐  
檀章披衣欲及辰還丹鍊未就何以壽斯民

白鹿洞步韻

名山屐屢躡匡廬艾未見攀衣泛層湖振策凌絕巘一咲六

合亭始識五石面煙雲異晨昏仙標儼不變俯憐塵寰中白  
駒走郵傳邛眉無極翁絕學天所眷皇皇白鹿規逸駕競相  
勸矢言二三十無負義利辨

贈方世佩三首

中暑如中醒日望秋風發秋風有成約飽歷山水窟寧知燕  
磯帆遂掛廬溝月萬事難預定坐看江流滑

江流當共濟同舟無彼我協恭得良劑時以醫吾頗風波忽  
以渝咲語竟相左矢言守忠信溟海無不可

忠信非外求明德皦如日賈誼不升堂相如不入室世情競

花萼根株恐未實棄置齊門竿虞廷有琴瑟

贈林宏用守太平三首

病暑不能寐起坐秋月涼懷子將出祖贈子明月光明月無  
將迎炯然照四方纖雲勿翳之萬民永相望

恒暘或成早久雨亦爲潦一氣苟不調百昌各以稿寬猛無  
定局時措以爲寶請看大和境化機自睥睨

時登黃山上遙見大江流天誅自采石一戰破萬艘創造正  
艱虞紹述當訪求試繪

神功圖早晚達前旒

贈栢齋何司空北行四首

至道齊精粗敬事無衆寡由來益與變化機同陶冶民情多  
凋敝酷似東野馬非公勤小物孰與醫聾啞

昔聞虞廷日濟濟自相讓至和薰玄化坐見天工亮宇宙皆  
同胞維持在家相請研西銘篇更出秦誓上

古人未易見誰是今楊縮朝來拜白麻後俗夕以赧凜凜冰  
雪操翠栢天所產邛苧棟明堂定價收青簡

寒菊倚翠栢臭味頗相契欲採東籬英持贈紉蘭桂采采不  
盈剝霜風薄短袂願分枝上露服食三千歲

贈皇甫子浚子安二首

昔別姑蘓墓 五見黃華發 寧知金陵夢 共抱茅亭月 朱絃無  
俗調 冷冷灑 冰雪笑指希 聖途康齋有成訣  
聖學在無欲 軒裳安足動 殘炙飲青蠅 竹實饑丹鳳 此闕苟  
不徹 萬卷徒諷誦 誰能百年內 擾擾悲春夢  
年華堂堂去 迅如建瓴水 羨子振長翮 扶風並萬里 天高雲  
路遠 日夕慎棲止 忠孝儼庭訓 千秋昭青史

送江汝魯施子中歸九華山書院

幽尋山水窟 新闢仁智堂 師言正在耳 夙夜其可忘 雙闕

掛明月影落堂中央 精明永相望 不邈亦不將

贈陳子文之廣西二首

官聯幸清暇 兩共梅花語 悠然翫真白 肝膽各自許 多病方  
蝸伏 高才已鴻翥 往携舜江波 洒作舜山雨

舜江正浩蕩 舜山亦龍從 疆域雖云異 民德將無同

天子建中和 萬里熙春風 引領昭仁化 歲晏勒鼎鐘

贈馬伯循西歸四首

多病正未瘳 秦楚求療之 大白有遺方 邂逅逢良醫 服食鍊  
元氣 勇作千歲期 寧知鍾山駕 復戀堯門芝

元氣本浩然天人無小太金丹不入口玉匱書空破世人競  
抄誦羣聲遞倡和未聞窮河源閉戶乃高卧  
君未登牛首還知牛首未傳聞非自得懸料終疑似何如陟  
其巔萬象無遁視歸去大華山輕舉時自試  
大華升崔巍天高尙無極黃河日滔滔入海終不溢丹成黍  
青蜺一笑海天碧南風寄白雲邛首遙相憶

東園同涇野諸君賦三首

蕤蕤洛陽雲菁菁淇上露曲徑時深入危橋或橫度感此邱  
壑幽獨增魚鳥慕解帶縱高談月上西林素

桓桓中山功化機多餘慶坐令綺羅筵猶帶烟雲興傳聞隔  
江早半是菜蕪餽安得溥 皇仁羽介同飛泳  
在昔聞風流西園有雅集蘓黃富才華遂令聲赫奕東園被  
儒素名流多坐客誰爲李龍眠白練拂千尺

贈龍道亨之平樂四首

衝雪鐘阜梅帶月橫山菊相知已惜晚相別亦何速平生輕  
離筵及茲更局促悠悠雲陽雲歸心行相逐  
敬義昭前楹在子已聞命毫釐察臧否天壤分殃慶請看檻  
前花誰是歲寒勁相期朱陵峯層雲發青磬

道鄉亢吾宗忠簡昌吾鄉昔年乘玉麟遊戲昭陽岡神交自  
千古形滯各一方選子瓊芳薦示我瑤華章  
坐嘯籌邊樓長吟天繪閣華夷皆赤子未用勤遠畧  
聖王師放勳魚鼈且咸若贈子長江水萬里騰寥廓

雨花臺別蔡我齋四首

振衣雨花臺初試登山屐新晴見千里春光正融液饑食鍾  
阜翠渴飲長江碧幽興坐忘歸高談竟永久  
永夕信可樂別袂遂當分遙望峨眉雪贈子鳳臺雲雲興沛  
霖雨芹藻揚清芬任重涉遠道一身寄斯文

斯文雲中斗聲華局上奕朱雀僅有橋烏衣渺無迹誰能斥  
璞玉錦櫝藏燕石百年在須臾寧裳憤所適  
所適將何許會稽拜文命煌煌精一傳萬古揭明鏡相如漫  
談空子雲不識性苛矣南軒風選子分雅鄭

贈董蘿石用韻二首

昔登天泉樓獲讀從吾篇千里想高標神氣已條然矧此薰  
風舟一月欵幽言再拜沉瀼惠炎歊滌新愆  
海濱出片雲飄飄無染着老至家益貧浩歌有餘樂太虛皆  
吾廬何處不可泊世態如羣蠅腥膻爭前却願溥從吾方爲

東坡先生集 卷之二十一  
世陳大藥

馬頰道中懷蓮坪南屏二君

朝暉已畏日午雨復畏濕誰能兩超然抱膝觀無極詰曲馬頰境宛對桐廬色早晚覓長竿相期附鴻翼

題王梧岡四時畫四首

青江渺無津四山正噴吼掩卷何所執趺坐投長竿竿頭羣鷗翔機事應已息誰起龍門樵共話先天易  
畏日思息影刺舟就平沙振衣登道岸蒼松卽吾家酌泉聽松聲宛若鈞天樂彼哉耽世味披髮酣河朔

吾心如秋月片雲不容翳廓然照萬物何用安排計船頭觀月色印此波溶溶波推光不搖認取未發中  
玄冥似竒獻幻成白玉界一塵無處着超然破天械忍棟步江臯雙童應見嗤但使中自得莫嘆知音稀

贈竹墟屠郡侯考績四首

霽日祛殘雪愚風盜幽谷東皇方言歸使君去何速悠悠循良傳夜半篝燈讀未須斑馬筆口碑鐫羣牧  
聖主遴羣牧倚爲萬民命學術一以辟好惡紛交病允矣靖共心散作優優政持此報明光四海涵春詠



古道準四海譽真三代試看松谿子四月流遺愛使君起  
四明袖中有沆瀣疇從借天闔金丹或可再  
壯齒募金丹火候傳東海凡骨未易脫鬢髮日以改仰止仙  
憲訣早已壽凍餒珍重羽翰生瓊宮正璀璨

贈豐城尹胡東巖考績二首

義方出 王門季方重禁紀展此製錦手家聲日以遠春江  
雨初霽驪歌花正苑去去填與隄勒勸九折坂  
神劍藏幽豸望氣識其寶况當金鏡懸六計昭品藻丈夫重  
志節榮名非所禱懋哉上帝臨音績在自考

虛菴

虛靜生衆妙機械召羣妄由來神明宅一塵不可障抱膝斗  
菴中白日觀萬象莫遣雲霧來咫尺迷所向

簡鴛溪行窩

種樹宜及春覆瓦宜及晴削堵莫鹵畧填土莫欲傾古人素  
位學巨細咸曲成朝來親版築夕可調和羹  
託石屋年兄料理行窩

弄泉春來漲花谷雨後勻願分尋樂方餘膏及東隣古云山  
中相豈必徵蒲輪萬象歸陶冶觸手是經綸

約同志遊武功

病暑卧一榻乘秋思萬里手拄青琅玕直躡丹霄裏乾坤無  
廣狹廣狹出人耳葛許自千秋孫曹乃逝水

同蓮坪郡守宿葛仙壇談翻舊約

披氈望上封連榻卧玄省一咲誅茆約果飽烟雲冷愛嗔何  
恡情晴雨皆奇景更祝遍名山交臂歲寒永

武功山遊勉同志二首

溪蘆望秋黃巖栢春不改乃知宇宙間浩氣固有在請看葛  
仙翁香火逾千載誰能瞞雙眼跳身入苦海

蝸牛雄一殼鴻鵠隘四海人爲天地心撐拄作元宰我重物  
自輕萬態安能免及時振六翮無爲枋榆悔

彭生莊居別同遊二首

夕來思濯足朝來思醜面雖有至慵人朝夕固無變胡爲洗  
心方勇往乃云倦努力諸同遊光陰去如箭

日入相喚息日出相喚作靜聽叢竹鳥天機亦自樂矧茲羣  
彥集共商長生藥時檢爐中火無忘榻前約

舟上梅陂有感勉同會諸友二首

泝瀨力未息上陂險更見攀挽終跬步失勢百丈漩古人進

學喻死生爭一線安得呂梁叟放歌凌波面  
一人獨操舟未若十人易峻坡協衆力狂瀾不得肆請看負  
敗者經營猶合志努力窮源頭莫憚崑崙事

同五山中洲自齋師泉南野石竹及諸友題梅坡巖石  
躡峻升天根探竒窮月窟放歌六合春羲皇誰云沒淇叟垂  
波練茅石灑山骨永結洛社盟千秋同碑碣

苦旱告糶

頻歲苦旱懸蒲目紛溝壑聊抒鄉隣憂欲濟未能博魯獻告  
齊糶古風猶可作叩首祝豐年率土樂耕鑿

天池聚仙亭風雨對坐

靈雨灑積塵長風掃熇氣是誰鼓化機樹此希天幟對坐聚  
仙亭澄心飫真味千古皜皜域懸想安能至

圓通寺觀晴川壁間韻有懷

美人題壁處照壁烟孤燈遙想陽春堂苦行類高僧白蓮香  
可社黃菊價應增夜半金鷄叫北望瑞光騰

訪仙亭

穿雲訪仙亭客至雲盡掃羣仙應愛客山僧莫絕倒年來五  
岳杖信步皆蓬島浩歌無去留雲歸亦自好

開先寺升黃巖

洗心玉峽水息足黃巖石三面開湖光層圍擁翠壁月印雙  
銀杏湛然天宇白移家入蓮華疇識先民迹

過柴桑觀石刻

摩娑南山刻裴回柴桑橋清風天外至何處覓塵囂百世曠  
相感猶令鄙薄消卜隣來種菊日暮抱甕澆

登廬山宿德安李氏居

戴星發開先乘月投美林不憚晨昏勞所憂炎暑侵暑威止  
毒膚欲根乃蝕心綿綿澄心丹今古幾知音

懷陽明先師書玉虛宮壁善兒及王生燦侍遊

重升希仙館卧榻覺更好靈君澹無欲覲面卽三島仙翁辭  
禹穴玉軸何大早空餘舊丹爐時將莓苔掃

謝晴川年兄惠巾履

擁爐白鶴山火候入精粹沙汀抗手別再拜美人賜巾頂卽  
皇天履端是厚地俯仰期對越冲舉乃餘事

贈井居成子同西石王子北上二首

玉峽折驛梅文江候葭律二邑得神君輿誦若談蜜鋒車召  
循良前席升宣室願持單父琴往賚清廟瑟

納牖格皇天推清極赤子古人一體學皇皇若有耻豸冠與  
藤篔照影一察齒去去鱈魚文燥髮已在耳

青原回眺川師泉奉贈浮峰張使君四首

幽亭雲凝翠危橋月漾波舊交撫佳期皓然禹穴歌浚郊聞  
千旄清韻灑薜蘿試問文明訣饑溺竟如何

饑溺本肝膽邈爾懸燕粵恫瘼弗爲療忍更加黥刑孔門關  
天樞位育有輓軌駕言戒慎車六合行超忽

戒慎凜冥濛妙契傳廣漢青原似南山渙若釋冰炭世態紛  
河伯回首咲并幹願隨東風颯早晚登道岸

早晚孰無營丹訣乏瑟僮火候不自力滄桑行逼眼壯齒謁  
仙翁共酌流霞棧功成從赤松藜光射瓊簡

贈西石王使君北上二首

贈別昔所悵別君興蹶然手持文江譜直賡虞廷絃日華徹  
葑室霜威警戎旆行矣青原件已醜擊壤錢

雲帆下玄潭無由挽仙舟猶憶文明雪擁爐話綢繆翡翠戲  
蘭茗鷓明渴丹邱贈君泰山圖一鳴三千秋

同雙江兩峰龍井念菴諸君宿玄潭

高閣俯玄潭新月穿雪浪三宿商聖學更向純陽上談無或

沈空執有乃滯象透取冲漠句始破寂感障

安仁觀碣石

靈峭削虎豹森森環重闕碣石拔地起中立無與班疑是段  
大尉遺笏屹塵寰千古幾豪傑相對無汗顏

明水媼家約冲玄出游遇雨

晴開象山雲雨尼冲玄步造化寧有心誰能測其故幽人抱  
玄樞默對無外慮未振空中翮且隱巖端霧

平川郡侯及同游別箕峯二首

暮齒慚虛度矧復迫炎景飄然結仙侶直卧武功頂龍起雨

灑窻月低桂弄影一塵無處着獨抱烟雲冷

已超茆簷網更剖雲路藩博聞耻闕疑憶中喜多言浮靄尙  
未淨靈光何由瞰秉燭告同游早入無極門

次平川武功贈別韻

撫壯未惜陰垂老乃愛日携手卧層雲凝神會無極習氣慣  
依境炯然幾獨立步趨追皜皜無負淵冰的

贈鳳竹徐使君自宜春膺召北上二首

祥雲下九苞光映宜春閣時聞嶰谷音散作武城鐸功成簡  
帝心翺翺翔寥廓卷阿有遺韻曠代尙可作

學衣茂對堂執訊原道閣召公未易致昌黎亦不惡勁節焚  
佛骨英標走溪鱗千古照汗青行矣萬金諾

勉董生明建兆明諸友丈量

千古一體學痛癢切髮膚八年不入門微禹吾其魚時當救  
焚溺寧復顧毀譽慙慙贈處誼訂頑日卷舒

別樂安永豐諸同志

真性本來靜胡爲日憧憧平生葷血習正欠一洗功精神果  
凝聚酬酢自雍容及時研瑟僊葭律回黃鍾

瑟僊原由我浮泛更尤誰長生空自羨瘧母未肯醫蓬萊無

俗客洗髓須乘期毛遂乃何人兩語决雄雌

象眠山聚講書勉樂安諸友

伐木歌象山童冠聲更幽真偽辨只今仰止凜前修蓉峰挿  
漢表鷺石莫溪流男兒撐宇宙忍爲蕭艾謀

偕劉師泉及兒曾謁 陽明甘泉二先生祠郡侯劉吾

南黃遜齋邑侯鄒海嶼王懷鶴邑博王莘野劉紫峰

諸生楊邦彥程栗之等會

良知揭越臺天理體楚雲靈明皎日月忘助空紛紜悠悠慢  
亭上仙氣猶氤氳

東坡先生文集 卷之十一 二十八  
兩翁儼祠宇 結語日有聞 我吹燕谷律 君剖鴻寶文 穀城石  
可索 緱嶺笙亦殷 琳宮秉華燭 幽義析夜分 請從道南原 千  
秋更策勳

宿武夷冲佑萬年宮

入山雨迎涼 到山雲斂霽 山靈何愛客 恍然若有契 前修武  
可步 羣真蹟未翳 三極待人立 勇作萬年計

謁紫陽文公書院簡吾南遜齋郡侯道契

羲洞兆人文 天柱巋儒域 更衣五曲奧 籩豆自翼翼 觀善揭  
交誼 隱求顧帝則 何時雙瓊瑤 茅茨寄巖側

曉升甯臺玩月

披衣入甯臺 坐玩萬籟寂 淡月尚中天 疊嶂粲漑漑 興來呼  
虹橋 飛度蓬壺壁 咲訊蘿門翁 巨靈何年劈

巾石學愚約四方同志聚聞講書院

信州古名勝 聞講揭新扁 耆俊鼓先登 朋來興不淺 赫矣良  
知訓 上帝及游衍 夙夜不自慎 萬卷空雄辯 真聞非耳入 實  
講在躬踐 千古弘毅譜 淵冰始知免

五言絕句

題海鷗圖



東坡先生文集 卷之十一 二十九  
暗室卽清廟鬼神不可欺機心誰謂密鷗鳥已先知

忘言巖遇雨

披草坐巖石巖石互離立客至始知歸忽見巖草濕

潮頭巖

巨靈翻滄溟湧此潮頭雪醉卧蓮葉舟長風棹明月

次孔橋于淑冬夜韻二首

窮冬已如客青山長作主時有歸岫雲帶得灑窻雨  
擁爐話清夜不知窻外凍向非陽明鐸誰破千年夢

次彭子紹人生會合不可常韻七首

春光正中人坐閱千林新曉起恣行樂收我肺肝春  
山林興方永城市跡已生感君臭味同杯酒話春晴  
雅志自相傾醇醪不知醉舜蹠分毫釐妙語各心會  
屈指十年間幾見德星合夜來別夢長明月上我榻  
有目分妍媸有鼻分腥馥異道難相謀此意君解不  
適適君咏君嗒然我忘我寄聲聞惠連何以叅其可  
利欲劇醜毒仁義旣膏梁嘉會不可必檢身自有常

望潮怨二首

小窻放金剪時望潮頭來潮水自朝暮郎君尙未回

疑望夕露冷緜鍼寄遠衣莫恨郎情薄潮頭秋亦希

題扇二首

青山夾茅茨竹徑含烟霧時買泛月舟江上自來去  
掩卷步竹徑鼓枻寒江水一闕明月章沙鷗亂鶯起

廣德題屏風畫

瀑布連雲白喬松隔午陰解琴時一撫天地自知音

再次碧山叅字三首

道骨鍊方壯禪機悟可叅請看西園叟瓜熟自然甘  
想像終成暗真純不可叅葛藤須斬斷莫遣羃寒潭

天地皆吾體中和自可叅欲求文繡美及早看春蠶

次蔡我齋韻呈涇野二首

美人萃考功森然如玉樹方忻西河來復驚東川去  
把臂江陵路折梅泛酒卮十觴須盡醉幾歲鎮相思

用我齋韻自厲二首

半生鍊凡骨掛冠三花樹火候正未調日月堂堂去  
高位標華燭豐財浸漏卮年來驚世夢千載寄幽思

病起至茅亭

一卧七十日扶病小亭陰笑看風景別新笋欲成林

東坡先生文集 卷之十一  
松山二首

白紵歌初倦黃梁夢漸醒  
山椒繫小艇新課種松經  
老柳凋秋色弱松耐歲寒  
是中真脆味莫作等閑看

題孝豐南壇書屋二首

斗室有餘寬豈必大厦好  
活水卽滄江三峰亦蓬島  
天機本濔濔聞道苦不早  
勉哉安仁宅夙夜勤灑掃

宿樟源嶺二首

弭棹劔江湄振衣樟源嶺  
積雨滯烟霧誰是青田境  
婚嫁古所重踏雪入臨汝  
從茲約子平五嶽相料理

酬黃生朝周書院四首

陶仙骨已冷殘菊香還多  
物態無今古人情定若何  
庭蕉春益綠霜冷液歸根  
觀化年來熟榮枯別有言  
寒壓羣芳寂蹶然梅茁花  
當門避雪夜可是大方家  
皜皜原由我芬芬更怨誰  
一毛分妬復師訓幾能知

復古歲寒聚講勉同游五首

急霰鳴簷瓦擁爐猶授受  
不知立雪圖此意還同否  
曝背時趨庀就陰且循廊  
莫道山翁拙亦有燮理方  
畫餅不療饑談梅僅生津  
何如東臯叟鼓腹娛天真

陽燧解取火空谷爭應響  
叅破有無妙乾坤運諸掌  
地脉回真陽紅紫自爛熳  
却訝尋春客空識春風面

景德鎮乘月步聯 桂示諸生

萬冶赤光迸千艘白霧浮  
翩然聯桂步疑是月宮遊

茅亭小景十四首

方員準乾坤八窗更玲瓏  
結茅居者誰云是陽明公

砌竹

龍籜旣駢萬鳳毛方怒長  
生意不可遏復穿層砌上

墻葵

叢葵稟中和紅白粲然列  
色相雖異觀中心自如結

古椿

古樹如張蓋亭亭當清晝  
未問燕山榮且共漆園壽

新梧

高岡有奇種移植小亭隈  
珠寶實風霜老鳳凰或一來

長桑

徙倚長桑下帶月猶未歸  
而今恩波濶不惜露沾衣

溝柳

濃柳自成行搖曳 御溝水孤琴始解囊  
薰風已滿耳

園蔬

料理烟霞癖無復膏粱夢低語慰畦丁未了三百甕

紅梅

涇野癖愛梅紅梅更自奇嚴霜百草萎漏洩乾坤機

黃楊

谿田去所貽灌溉方盈尺從茲日日新聞年未可厄

薔薇

小架薔薇露獨挽東皇駕花上又生花走報兒童訝

雙栢

兒子報花  
尊上生花  
視之果然

小栢誰縛汝呼童為解之曉來清露裏對舞樂天機

小沼

風行見至支月出澄真性莫闕源頭水蛙黽將得令

長溝

分得銀河派清光入夏寒束書無外事散髮弄潺湲

石厓林中丞讀書臺二首

築臺千仞厓山海擁几席始知圖書前原有先天易

攜書坐厓石讀罷還長嘯悠悠羲皇心千載乃同調

題崔質夫忠義家訓卷二首

報國天機動臨危氣似虹千年誅齒節合策倚門功  
皇恩漫累葉慈訓耿曾旻忠孝千鈞任餘生莫愛身

寄題三吾逸士三首

閒拄祁山竹踏破涪溪練浩歌次山碑千載如見面  
沿溪陟岵臺長嘯雲千仞世態總浮雲變化自一瞬  
掬水洗石鏡鏡水照毛髮斲卧唐亭陰洗心待明月

五塢山房爲盧師陳作三首

我愛五塢花擁几時馥馥文章如名花亦足供我目  
我愛五塢雲繞屋時簇簇勛業如竒雲卷舒無定局

我愛五塢月入懷時煜煜明德如月色一塵不可伏

五言律詩

迂王質夫審錄

懷中三歲字猶是故人書忽聞將漢節兼得御潘輿化日浮  
圖豕清風勒綵旗呼童謀斗酒欲訪子雲居

黃地曹汝英飲洞淵閣

飛閣凌空外層城人望中凭欄窮勝賞授几醉薰風野曠低  
羣岫江清明斷虹他年雙屐約還許上壺公

遊圖平菴

邱園休蹇步十得菊花看茲游方勝絕舊宴漫噴阮拊檻雲  
生長綠崖瀑濺冠仙翁還有約莫說路行難

凝雲山晚眺

飛步雲霄上不知在幾層仙公呼可出天闕語相磨遠瀑傳  
玄倡踈星散佛燈俯憐盆益小羣羽自薨薨

遊天臺用圖平菴韻

見說天臺好星辰掌上看一溪中斷處石磴碧噴阮興劇初  
穿屐風高欲落冠悠然忘日暮嘉會古猶難

課僮治隙地避暑二首

選地消長夏屏居寡世營花香薰酒氣魚影避茶聲窻白留  
雲宿庭虛看月生無因下藜杖細與話幾衡

又

夜卧花間露蘊蘊百慮輕踈簾延月色爽嶺動天聲往跡眞  
成夢壯懷時自驚因風戀玉宇萬里不勝情

宿廣德公館

齊沐臨新任虛堂獨掩門深漸踈吏事何以報

君恩歎歲民情苦殘編古道存擁懷終夕坐明月上前軒

酬馬谿田春初對雪二首

積雪兼朝暮春衫滯出遊遠應憐玉塞高更念瓊樓風遞霓  
裳舞光凝碧海流探梅將有贈疎葢勒枝頭

白玉瀾天宇東皇信有神一塵無處着萬象自清新隨步穿  
芒履閒吟岸素巾莫疑凡耳冷高調正相親

一柱坪聞涵孫提報志喜

一柱凌雲秀茹菴聽雨眠孫支聞挺萬世澤喜嬋媯野老談  
天道良朋稽妙詮山靈還有約奕葉共乾乾

中秋同緒山兄彭崑佩玩月

曠歲懷分席良宵對舉觴帝衷昭宇宙師訓儼羨墻盤谷留

禪榻冰輪出上方鏗然清詠發莫是舞雩狂

三溪憲伯報善兒居官喜而致勉

喜爾當官報瞿然慕祖風五疵消怨府三德肅天工良友玉  
方琢先師碑正穹世交祈寡過為謝淡泉翁

贈平川郡侯乃尊中山封君

金陵傳易學青瑣煥龍章獨抱中山月閒領北海觴佳兒祝  
壽域玄省授丹方善慶千年緒新詩識草堂

別義兒上南宮兼寄美善二兒

六錢南宮旌勳各屬老成爾祖詩常誦望仙夢亦清羨墻培



世德游衍顧天明爲祝金臺弟燕山在汗青

次白沙先生雲津韻呈晴川年兄

七日雲津會千年樂可尋  
津流終到海雲岫澹何心  
共温禹穴業直振鳳巢音  
悟來三字訣莫靳項門針

義兒上南宮涵孫繼行書勵

汝伯已北上汝行復繼之  
虎闢相炳蔚鴈塔應淋漓  
先烈垂繩隼鄉評凜蔡著  
世臣思報國喫着不須期

夜泊青陽與九峰鴻臚及少尹化之話舊

良朋懷夙誼秉燭聚江干  
嵐氣侵巾鳥波光照肺肝  
離合何

須慨行藏祇自看千年川上秘慎獨是金丹

齋居夜懷

齋署清無寐半牕新月臨  
披衣占夜氣隱几洗塵心  
雲歛三階淨庭虛萬籟沉  
獨憐多疾疾輾轉發鄉吟

酬卓峰王子

擬峴歌猶壯崇禧履共游  
翫懷長孺暮浪跡尙平秋  
琳月瑩無翳壇松翠欲流  
自憐禹穴夢杖屨幾時休

過豐城輓蘓山耳上舍

劍水舟仍艤蘓山事已非  
沼梅寒自發庭月靜流輝  
投轄媿

嘉客開倉閔歲饑悠悠京洛侶空自羨輕肥

燕尾舟泝灘

遠遊真咲癖信步是吾家已泛康郎月還殮白嶽霞輕舟飛  
燕尾灘石吼鯨牙遙憶蘭亭侶長吟待九華

漁亭乘舲入齊雲

三日雨清路凌晨風送晴山靈酬雅志變態亦多情峭壁疑  
侵漢乘桴若泛瀛巖然五嶽興漸可快生平

連山次三峰柱史勉同遊顯甫匡甫國輔國矩

蘭友重臨日蓮臺儼素秋三才原有寄百歲若爲謀韶華催

蟋蟀生意領扶留珍重先師脈澄川晝夜流

同三峰劉柱史卜連山書屋適南康使至

連山方卜築白鹿兆先幾谷口鳴騶入巖頭米藥歸溪環玄  
武轉雲獲紫芝肥早晚樓君壯義圖玩夕輝

澈源族中迎涵孫志勉

那橋欣就緒直向午衙行叢桂香先發修槐蔭更清絮美懲  
俗械歌器鑿天明記取邱生約朱絃續正聲

贈郭仲昇歸可休軒詩

勞勞蕉鹿夢中歲息危機綉紉齊蘓晉繩牀坐子微塵綠雲

出岫真諦月盈扉寄謝風波客滄洲遲爾歸

送熊郡侯三載考績

祖帳金川路君侯報政必崑岡回野燒黍谷肆春耕江月低  
熊軾山雲擁隼旌遙知 相吏紀端不負遺經

秋日約于德芳不至

初服依蘿薜條然汗漫 忽呼童張勝夕授几對清秋詞盡林  
風續盃深山月留蘓仙 不可見悵望木蘭舟

和李空同見贈

浩浩春風雨故應伴使 平坐看桃李色半是艷陽餘政簡堪

留客神閑剩註書清樽發古調病眼欲雙舒

晉壇湖山九亭諸君自連山升一柱坪茅菴

抱雨連山靜躋雲一柱高撫時修禊事洗琰酌蘅皋途慣行  
歌緩神閒著脚牢誰能春夢破開眼覓塵勞

五言古風

贈敖子子發用陶韻

東髮懷耿介高談望唐虞古人不可見見之詩與書場來被  
優恩飛蓋入留都常懷草木變坐令歲月踰所賴傾蓋交周  
道駕征輿逝言策欵段夙夜思與俱關河忽睽隔執手步踟

躡豈伊懷燕昵意氣交廓如嘗慕西銘翁聖道闢榛蕪其  
純王業萬國咸康娛秦川多豪傑臯比跡未踈行矣下車令  
變化在卷舒

贈彭子道顯用陶韻

伐木久不作懷古亦何動千里聞直諒聲氣自相親矧此金  
石交復在桑梓隣南宮多幽暇淬礪及良辰焉知光祿命遂  
作參商分嚶嚶鳴谷鳥慨然感芳春手折石城柳目送金臺  
雲中宵勞夢思欲語邈無因志士多遠憂豈在賤與貧千秋  
定衮鉞董狐閉咲人

贈範東劉子之蜀

湜湜洪範泉嘉名自河洛亦有東流水幽居帶林薄沐浴二  
泉間風詠有餘樂肝膽照清泚羲禹若可作志將掬中冷攬  
轡洗塵瘴春雨方江南朔風復劒閣王事無夷險刑教同  
橐籥去矣挽銀河萬里洗寥廓

靜修

盆水貯幽几湛然光明鏡須臾或撓之眩瞀如泥濘所以好  
修士務以靜自勝振衣邱壑中一洗朝市病我傳千金方無  
動亦無靜廓然大公心萬變皆順應寒暑互推遷化機自凝

東坡先生文集 卷之十一 四十一  
定至哉大極翁無欲可希聖

仗義完城卷

蹈海耻帝秦昔聞魯連子矧此封疆臣一步安可徙援桴自  
矢石肝膽自相許忠貞會有神奸謖誰無死嘖嘖皖山石皓  
皓長江水琢石枕江流千仞立人紀

崇福謝王梧桐在訪蕙簡莫立齋

抱疾厭塵鞅出宿招提居日晏恒高卧夢寐追華胥興來集  
諸生指摘千載書淵然會源泉不肯問潢汙以茲嗜好左日  
與世相殊焉知羅雀巷闐闐枉高車清籟發天和佳釀出宿

厨薰風酌且詠童冠皆懽愉獨憐耕粦何以告于旃願祝一  
道德鼓腹樂 唐虞

飲梅洞謝諸君

束髮愛幽勝渴腸思柘漿卧病日廢閣夢想未能嘗多謝諸  
君子張筵待高岡奇石堆蒼壑曲洞轉綺房四壁圖虫象一  
竅浮天光蕭然葛衣冷五月挾飛霜自非推挽力習懶何由  
償宇宙有大觀遠遊從此將願言精瓊糜决策發扶桑

吊譚節婦

饒江施鼃蛟東海枯榛菅幽明本一氣呼吸相循環卓哉節

婦節爲世立大閑至誠貫金石金石不敢頑天貌貞烈圖巍  
然對孔顏劫火豈能燬萬古血猶殷我來吊遺蹟髮竦淚欲  
潛瓣香拜幽祠慷慨環珮珊丁寧祝羣彥早透生死關泰山  
與鴻毛一笑毫釐間

昊天觀勞諸君饋食示諸生

千駟與首陽聖門垂象魏法好世莫傳顧以貧爲諱請看惜  
陰約盤飧無兼味元精漸收斂浩歌多爽氣及茲淵默堂日  
勞酒食費豈不飭臙其居然困腸胃信哉一簞樂不齒萬錢  
貴持此喚羣醒羣醒少瘳未

南樓話別謝半溪徐侯及同游諸彥時兒義美侍行

南城對屏山下瞰禾川流登城騁四望山川鬱綢繆徐侯六  
合胸坐我百尺樓靈雨及游衍盛夏成清秋是時羣彥集聲  
氣正相求詩書敦郤穀風義重大邱各持百年身共追千古  
謀粲然饑飽喻毀譽皆浮漚皇皇洙泗路蕪穢久不由豈意  
絃歌化彷彿見子游呼兒歌新詩日晏任去留嘉會永無忘  
勵志希前修

九日同諸生登北樓

古人崇陽德逢陽立嘉名流傳入神恠徃徃失其真振衣升

高岡採菊餐落英卽此散幽滯庶用陶元精茲晨風日爽况  
復良朋并呼兒具尊酒扶疾登層城樓頭俯通闌列達接重  
薨紛紛競醉飽反爾笑獨醒比華領羣岫瀘水日夕征曠然  
各有樂頗悟仁智情珍重保剛大勿使塵穢櫻秋陽正皜皜  
昊天垂儀刑

中秋羣弟會飲

山房昔待月高歌叢栢前冰壺興依依轉盼十五年今夕復  
何夕羣弟列長筵天籟自和鳴更深不能眠俯映方池柳仰  
睇東嶺烟雲初交綴輾轉隨風旋須臾移西南猶覺渣滓

偏終焉掃纖翳中天懸嬋娟乃知學問力所貴切磋堅外誘  
無根着本體自皎然丁寧滋蘭畹更以祝鵲原各勉繼述志  
千載光遺編

孔家驛別臨川樂安東鄉金谿諸友

興會存遺坊孔家復名驛不知何年來巍然照聖則徙倚文  
昌橋瞻沂情何極矧此相追送冠蓋紛翼翼請觀驛前水滔  
滔無旦夕水性猶洙泗吾性將奚惑執手贈與處餘齒各自  
力幾微分禹鯨丕功收碣石

寄勉龍光書院會講諸友二首

干將兩古劍石函閱幾年精光不可掩猶自動星躔况此剛  
大氣亘古本浩然驕吝一局之智并聚蛙蚓不有乾乾功龍  
德何由全淬劍亦有術學聖豈無傳

陶唐頌光被成周載丕顯聖神亦人爲帝衷豈不臞於昭在  
左右曰旦及游衍妙哉天人幾末學誰與闡不聞百練鋒蛟  
犀可立刺矢言惜至寶無然淪苔蘚

讀遺忠傳爲陳豹谷大綸賦

秦養多鴟張顛沛顧魚爛誰知羅旁節乃出德慶判渠賊賊  
墓門佳兒翔霄漢天道果不爽請誦遺忠傳

歲宴用韻

元日又將臨展卷籌今古大鵬雲幾萬鼯鼠技止五工拙紛  
難詰篝燈無異語不如兩賓之直超文字吾歛神對屋漏天  
粹發泰宇乃知行藏訣屢空始見許一咲領春光千聖無二  
矩

金山與宋行甫劉用夏諸生夜話

朝辭玉皇閣夕泊海嶽樓羣英列長榻浩歌對清秋百年不  
自力逝矣迅浮漚何如萬仞壁截然屹中流顏瓢樂陋巷伊  
戈升陲邱試問與此山高下相鈞不濯塵泥中冷披髮晞巖



東坡先生集 卷之十一 四十五  
頭卽此皆師友無然空離憂

同少初徐子南岡鄒子及諸生謁忠公墓下

夙慕道鄉風始拜林庄徑松楸四百年烟雲護餘勁仰挹德  
容溫頰薦溪蘋靜翩然英爽下陟降若相命紛紛章與蔡寧  
無忠孝性患失一眩之居然化梟鏡誰云毀譽滄百年論乃  
定舜曠有真機一念分殃慶夜深開清樽四座發秋詠殷勤  
別同袍早辨詔與鄭

登勝果尋先師遺跡遂謂天真

哲人不可作景行存遺規封壤日以邇夢寐時見之傳聞中

峰勝烟雲護故帷老僧勤指點宇宙同襟期晚躋文明閣伏  
謁天真祠遺像儼於昭感慨竟難爲旅進青宮班抗顏六館  
師濩落兩無成空爾望軒羲泮壁可彈冠龜疇足充饑零雨  
洗塵鞅皓月揚天機服膺無言教驅車敢自迷寄謝連床友  
歲晏期同歸

次蓮坪聚石屋韻時念菴先至

桐江匹馬來報入天犀石七日卧雲亭雲遊無定迹壯哉嘉  
州駕遠趨風雨隙花谷談道妙促席不盈尺俯仰菱池綠仰  
摩了巖碧一映石屋翁嘉會果何夕緇塵須淨洗鬢景行已

白擾擾賈客舟誰覓真仙宅

次蓮坪東陽行窩韻

行窩構東陽魚鳥分一席巖洞儼神工奇景自開闢兩過龍潭清月出尼山白向非玩易翁卜隣將安擇羣公千載心聚樂求自得億中猶外馳如愚乃正脉區區升沉蹤時序通寒熱征駕幸頻來秋深天宇潔

奉懷雲東龍司馬二首

我構聚樂館君卜合江亭吳粵異境土鳶魚共流形滄井通地脉柳山插雲屏異人時間出仙客亦獨醒新詩寄行窩同

志正盈庭朗詠石洞上清商韻冷冷吾道空中日世態窻間營試探積費功無替集仙盟

隣火解避亭亭芝復呈瑞人事暫錯迓天工寧無意傳聞漱玉巖龍杖仙所賜千年龍一來盡掃蟲象魅功定歸帝闕霖雨發玄秘遺亭寄清湘留作蟠龍記

雙江念菴二兄聚行窩簡諸同游四首

山童報佳客衝雨欵洞門褰裳往從之久照粲以焯巖石濯塵容時有閒雲屯探闕窺石髓摩沙丹竈痕晚節期自壽玄境幸猶温趺坐天犀巖何如白水壘

白水關新疊桐江理舊釣抱膝對洞門居然成三峽石翁山  
中約手攬殿最妙共閉錢鏗關莫撓華胥調良友提壺至班  
荆酌石竅夜深呼海月直入東陽照

東陽月堪弄武功雲可收莫辭薜荔勞猶勝簪組繫戎馬聞  
交馳朝儀尙未緝何如卧山中滴露研雲笈醜來陶亦興茅  
君灑墨汁一咲瀘江橫尼山雲外立

尼山鬱蒼蒼瞻止欣佳名和風噓萬象春服儼初成歸舟何  
大遽不盡鼓瑟聲連袂送江皋水漲片帆輕入洞撥餘火芋  
栗糝尊羨秋晴天宇肅更望玉鼻驛

復古書院春會喜阮鮑二邑博雨中先至

憶昔松谿侯肇建文明堂光陰忽九載望古猶望洋春風招  
同志切偲復古方安知彌旬雨浮淖滑康莊壯哉二邑博瘦  
馬<sub>靜</sub>驥至樂尋孔顏盛治談虞唐古今雖異代明德自皇皇  
君看淫雨息便露霽日光園桃花正吐簷栢色逾蒼千年浴  
沂蹟此志共無忘

遊武功上西石屋山

西行訪葛仙小試登山屨石屋倚南山披徑入雲幕欣然快  
所覽萬井森連絡東陽登城垣四峰相酬酢置我松篁間行

窩茅可縛俯瞰浮雲淨涼飈掃寥廓更携化龍杖去覓吹笙  
鶴

登箕峯

重覓歇脚亭更歌會仙石移樽酌平臺萬象擁几席腕虹獻  
竒觀五采忽充斥舊游念星散新知亦雲蒸一瓢與千駟玄  
竅傳心燈誰超步兵蝨共運南華鵬

同李莘夫劉華甫彭時超時志李祖顏祖程祖臯及兒

善步自圖平窮龍潭之勝四首

夢寤龍潭勝勇往期一登穩結石屋襪並拄衡嶽藤篠木恣

攀緣鳥道入凌兢興來輕崖石躋滑若飛騰嶮盡豁竒觀生  
平日未曾安得龍眠筆爲貌登仙朋

山不陟險阻詎能窮巔水不涉險阻詎能窺重淵卓矣履  
冰翁弘毅發真詮想像雖屢中靈襟終眊然掬泉列磐石浩  
歌不知旋寄語後來者自得非言傳

懸瀑出雲表玉函劈靈斧奔注自千秋中涵若焦釜四壁  
鑄削恢詭不可譜神龍蟠其幽託跡真得所年來苦旱魃赤  
子泣蓬堵尙當三日霖生意遍寰宇

莘野有天民出救溝中瘠功成辭寵利兩鳥風策策潛躍須

夏厚齋先生文集 卷之十一 四十七  
合時乾德無定柁早來濟羣饑雨返歛玄迹良朋締新盟莫  
負床頭易小築觀龍亭婆娑忘歸石

簡郡中諸公議賑糶

雨沉麥穗枯寒迫稻秧殞哀哉旱疫氓罹此四重窘紛然拾  
地茹更堪茹蚯蚓載籍所未傳坐視將安忍冒雨扣畫戟墜  
溝斬一引甚感鄙屋照許發大倉困崇臺若萬里聞言或以  
哂誰無惻隱心矧在邦國準古來瓦解喻正忽邱民閔鄙志  
竟難酬門戶謝不敏

宿郭中洲乾乾所

昔在桐川日風雪奇真詮安知二十載復得對床眠手捫羲  
皇窻午夜共乾乾先師垂陶冶晚節忍自捐屈指意中人宰  
木啼杜鵑存者或以淪染指羊鼎羶丈夫志萬古寵利若浮  
烟明發梅陂約力挽上瀨船

贈別槐川魏柱史四首

巴粟下江南使節矯河內由來一體學彷彿存漢代誰知肥  
肉庖不信溝壑惡桓桓柱史公回天降大賚坐令閭闔風  
里掃暖躡安得古押曹再舞來蘋隊

禹簞懸教鐸抑戒聽輿誦古人天聰明欲然不自用後來訑

訛聲爭勝如爭訟君侯麟經筆文采過屈宋欣欣納狂言百  
川曾無壅持此沃 聖心快覩河清頌

蕙風轉解池霜瀾試廬阜平生萬里行六轡儼在手積壤碎  
難刷三窟相蟠糾未知澄清誓中夜快心不征駕旋玉京攀  
轅走倪叟畫圖入明光遺澤流南斗

朝披祝融雲夕弄武功月真訣欣若遇萬事不掛髮獨有同  
室念纓冠尙未歇劬勞與宣驕多口紛出沒遙謝執法星亘  
古中天揭槐水達滹河家聲在遺笏

苦旱二首

旱勢日以熾溪鷗無處浴矧此粒食氓何由充枵腹安州乞  
新米南溪買餘穀吾亦呼吾僮東西走僕僕男兒志調爨水  
火同菽粟長嘯依修梧延首蒼龍角

夏旱苦不支秋旱胡相及村氓携其孥相對隴頭泣夜來曉  
微雨聊沾豆粟濕或可救須臾庶緩溝壑入途中聞口碑德  
星吳楚集何當挽銀河涸鮒正戢戢

題東林寺

嘗觀三咲圖茲踐三咲境峰壑爭奇勝宛然類箕穎逸民風  
已湮塵網幾能醒饑口厭葷羹捷手攫羊鼎我袖龍潭雲來

照虎溪影長映入蓮華幽意付誰領

暮雨宿田家

乘涼龍津渡行行五顯岡急雨投農家暝色甚倉皇主人驚  
客至相問來何方荅云訪匡仙采藥盈一囊歸去鍊金鼎歲  
晏茹立霜藜藿即羨餐茅茨亦高堂一覺伸脚睡起睨東方  
明

萬安聚講別同游

周覽五雲城談笑先天閣濂溪去雖遠精英若可作男兒立  
宇宙期在無愧怍戒懼一以離坐受名利縛懷哉良知翁揭

示回生藥賴茲烏頭力獲沾朋從樂暖日照離筵浮雲歛寥  
廓輕舟放中流羣峰列丹艧佳境復虛擲歛鐵不鑄錯淨洗  
桑濮塵清廟觀象勺

泰和諸君再聚古城寺夜至花石潭話別

朗月印寒潭潭淨真如練纖雲不作祟坐對大空面掀蓬談廓  
清俯仰得無戀浩嘆竟何裨此志期勿變嗜慾卽天機反掌  
不容線三年兩聚首流光迅掣電各從亡羊補無爲臨淵  
羨

贈日進廖邑侯歸錫西書屋四解

啣鱸延慶山飛鳧文明堂恍然邯鄲夢兩鬢各已霜其一霜  
鬢不可鬢丹心不可涅連床揭慎獨便是玄關訣其二世態  
簷角蛛反噓霧中豹雲破露月華丈夫幾大覺其三筠西書  
滿架風詠皆勝游天機無晝夜坐對錦水流其四

石屋翁約登高徽州泰和諸生侍游

陽淑若升山陰隱乃墜谷乾坤鈞是人粲然仙與俗其一石  
翁策先登羣彥紛引領逍遙二洞間爭跨三島景其二采菊  
浸酒卮微醺發浩歌百年幾良邁佳境莫虛過其三請看聖  
學篇不異長房譜神龍矯雲衢餌餌困塵罟其四

次陳春官邦傳韻二首

尋樂洋久望汲古綆何深九年卧石洞始辨臬鸞音嶮哉大  
極翁妙契無古今月巖連清湘芳源可共斟悠然詠歸亭尙  
在柳山岑何時訪行窩酣歌東陽林

傳聞漱玉巖豁落若廣廈翠碧擁蓮華幽人不相舍嘉客來  
雲東共游曠垠野潛躍自有時誰識塞翁馬一咲宣成夢薰  
風北窻下

瓢飲娛魯巷和羹調商岳異地乃同揆安可分聖凡咄哉靈  
均叟椒醕要巫咸芳佩猶未沫開闢仍自緘飛飛清秋鳥遙



傳龍隱巖瞿然振奇志冥搜無極函雲陽儻可約早掛祝融  
帆

存所憲伯同子容淪之諸生九日登曲江亭

佳節卜勝境振衣江亭曉天宇正寥廓萬狀歸縹渺始知登  
高訣迥立風塵表呼酒酌磯神壯哉中流矯高歌食蒿鹿膺  
以出谷鳥誰爲吾道砥浩氣凌秋杳

別金谿諸同游

驅車事遠遊光陰坐超忽歲暮得羣彥秣驥期同發促席互  
戒語篝燈理輓輒及時不豫定出門將恐蹶卓矣鸞湖訓真

僞不容髮去去慎坑塹高衡升翠律

楊淑文一寧一德一誠陸子容張景仁甘淪之范元旦

諸生登樟樹鎮華光閣懷陽明先師

憶昔從義師萬竈屯組練一戰鄱湖清妖氛迅掃電及茲三  
十載重升華光殿鱗魚歌清平哲人不可見江清上皓月髣  
髴挹顏面慷慨帶礪盟青衫濕羣彥軍賞昭合宮浮言寧久  
燭會有徐福書殘雪消天曉

題余生汝爲乃翁石會山樵卷

兩山東沱川高樓壓其樞誰知石會樵尙友龍門漁儻魚時

東坡先生文集 卷之十一 五十四  
出遊林鳥爭相呼翛然歌擊壤俯仰恒晏如萬卷付兒曹千  
古希舞雩異時熙帝載更展陶唐模

初至玉亭

端居玉亭上新月升叢竹薰風次第來咸英奏軒轅天機本  
洋溢正聲何碌碌緬懷千載間濂洛久未續禹穴石嵯峨哲  
人啟其積手授嶮谷譜科斗新未觸幸茲瀛洲清  
皇恩喜初沐及時調黃鐘莫遣間桑濮

周順之司諫聚劉氏九峰菴念菴三峰同游二首

涼颺祛殘暑新月穿叢薄誰知千里駕踐此九峰諾桐江來

匹馬三峰理舊屨鏘然童冠間陟降有餘樂丈夫貴識真勿  
受利名縛矢言春陵派千古尙可作

侃侃忠愍仙三菴振教鐸先公理遺器及門咸鸞鷲燈前  
父老談英標凜如昨愧予昧前規共商長生藥錫類傳佳夢  
山靈尙有託去去脫蛛網秋風翔寥廓

貢玄畧王濟甫至青原

白髮已蕭疎青衿猶繾綣翛然千里游振我三伏懶坐橋待  
月生隔林看雲斷試訊傳心堂何如觀光館

東陽行窩懷李可亭使君

東坡先生文集 卷之十一 五十五  
古洞灑氣潤懸厓霞光爽俛仰撫六合神飛岷峨上使輶未  
卧輪奎畫儼在榜炯然延平風水壺時可賞清標不受涅化  
機閒來往白石藏牙籤青牛駕仙鞅遙聞東西阡鶴侶時抵  
掌少海涵泰峰瑞泉和幽響酣卧東陽側空懷坐峽想何當  
福星來村叟迎擊壤

鳳嶺同諸友及二兒觀石犀

石犀屹鳳嶺望月幾千秋頭角宛然備埋彩空山幽我欲驅  
彭蠡水恠恣冥搜龍宮靜無恙萬艘咸安流巨靈握神鞭雲  
路邈難求停輿呼衆侶摩挲倍綢繆

避暑武功次平川郭郡侯韻

撫壯未惜陰垂老乃愛日携手卧層雲凝神會無極習氣慣  
依境炯然幾獨立步趨追皜皜莫爽淵水的

美兒報順天中式志喜兼示兒曹及諸姪諸孫

金臺報鹿鳴賓履慶蔗境遲爾季孟間帝眷亦何幸檢躬永  
世澤培覆凜交傲尙友升龍象徇俗乃蛙黷

訪止止庵

玉女臨粧鏡大王揮兜鍪樓隱仙蛻小藏露壑舟吾愛止  
止庵不向色相求一語留丹訣夜夜是中秋

謁選北上

昔來葭莢灰今別風解凍嘉會約曉萍世味驚春夢官爵無  
崇卑趨舍在慎動將軍或豺狼亭長乃鸞鳳

陽明先師書院聚講呈同遊二首

杖策從義師妙筭倅臬鏡樞衣謁禹穴正脉傳文命泰山慨  
安仰微言漫交病白髮薦青蘋悠悠羨墻詠  
羣彥欣雲集良牧復星臨禮樂從先進共趨指南針薰風下  
策竹戛然淇澳音精爽石鑿之忍愧瑟僂心

贈三溪徐子二首

舜江飲玄德禹穴拜文命聖源尙未湮餘波正可泳珍重良  
知訣獨詣無上乘發朝戒屋漏跬步分狂聖  
看雲解愠臺抱月尊經閣微義時相剖濁醪亦共酌離筵鼓  
清商四座寂不樂何時解舊榻再歌赤壁鶴

同石屋及諸生待月池上

東陽挺日晷兩曜遞照臨三宿待月華悠然印波心俯仰淨  
如洗萬籟正沉沉笑訊陶靖節誰識無絃音

卷之十一終

